



Broj: 01/14-02-1112/26-1  
Sarajevo, 12.05.2026.godine

## **PREDSTAVNIČKOM DOMU PARLAMENTA FEDERACIJE BiH**

Dana 12.05.2026. godine održana je 46. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovalo je osam (8) članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

### **DNEVNI RED**

1. Prijedlog Zakona o izmjenama Zakona o nasljeđivanju u Federaciji Bosne i Hercegovine,
2. Prijedlog Zakona o izmjeni Zakona o zemljišnim knjigama Federacije Bosne i Hercegovine,
3. Prijedlog Zakona o izmjenama Zakona o stvarnim pravima,
4. Prijedlog Zakona o izmjenama Zakona o registraciji poslovnih subjekata u Federaciji BiH,
5. Prijedlog Zakona o iznimnim mjerama kontrole cijena,
6. Prijedlog Zakona o društvenom poduzetništvu u Federaciji Bosne i Hercegovine,
7. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu,
8. Prijedlog Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Projekta izgradnja kulturno-sportskog centra u Mostaru,
9. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju Projekta Vjetroelektrana Poglečani,
10. Prijedlog Odluke o alokaciji obaveza po kreditu Evropske banke za obnovu i razvoj 31788 - Regionalni program razvoja cesta (Sarajevska obilaznica) na Federaciju Bosne i Hercegovine,
11. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju



Projekta poboljšanja upravljanja cestovnom imovinom u Federaciji kao dio investicionog programa za gradnju, rekonstrukciju i rehabilitaciju magistralnih cesta u Federaciji Bosne i Hercegovine,

12. Inicijativa koju je uputio Centar civilnih inicijativa u vezi zaključka Odbora o obavezi godišnjeg razmatranja svih izvještaja o poslovanju javnih preduzeća u kojima udio u vlasništvu ima Federacija BiH,
13. Dopis u vezi slučaja ASA FINANCE d.d. Sarajevo, koji je u parlamentarnu proceduru uputio advokat Ahmed Žilić.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Odbor podnosi sljedeći:

## IZVJEŠTAJ

### **Ad-1**

#### ***Prijedlog Zakona o izmjenama Zakona o nasljeđivanju u Federaciji Bosne i Hercegovine***

Uvodno izlaganje dao je predstavnik Federalnog ministarstva pravde nakon čega je Odbor obavio diskusiju i pristupio glasanju, te jednoglasno donio sljedeći

## ZAKLJUČAK

Odbor podržava Prijedlog Zakona o izmjenama Zakona o nasljeđivanju u Federaciji Bosne i Hercegovine i predlaže da ide u daljnju parlamentarnu proceduru.

### **Ad-2**

#### ***Prijedlog Zakona o izmjeni Zakona o zemljišnim knjigama Federacije Bosne i Hercegovine***

Nakon uvodnog izlaganja predstavnika Federalnog ministarstva pravde, Odbor je obavio diskusiju i jednoglasno donio sljedeći sljedeći

## ZAKLJUČAK

Odbor podržava Prijedlog Zakona o izmjeni Zakona o zemljišnim knjigama Federacije Bosne i Hercegovine i predlaže da ide u daljnju parlamentarnu proceduru.

### **Ad-3**



---

### ***Prijedlog Zakona o izmjenama Zakona o stvarnim pravima***

Uvodno izlaganje dao je predstavnik Federalnog ministarstva pravde nakon čega je Odbor obavio diskusiju i pristupio glasanju, te jednoglasno donio sljedeći

#### **ZAKLJUČAK**

Odbor podržava Prijedlog Zakona o izmjenama Zakona o stvarnim pravima i predlaže da ide u daljnju parlamentarnu proceduru.

#### ***Ad-4***

### ***Prijedlog Zakona o izmjenama Zakona o registraciji poslovnih subjekata u Federaciji BiH***

Nakon uvodnog izlaganja predstavnika Federalnog ministarstva pravde, Odbor je obavio diskusiju i jednoglasno donio sljedeći sljedeći

#### **ZAKLJUČAK**

Odbor podržava Prijedlog Zakona o izmjenama Zakona o registraciji poslovnih subjekata u Federaciji Bosne i Hercegovine i predlaže da ide u daljnju parlamentarnu proceduru.

#### ***Ad-5***

### ***Prijedlog Zakona o iznimnim mjerama kontrole cijena***

Uvodno izlaganje dala je predstavnica Federalnog ministarstva trgovine nakon čega je Odbor obavio diskusiju i pristupio glasanju, te sa 4 glasa, za, 2 protiv i 2 suzdržana glasa ovaj Prijedlog Zakona nije dobio potrebnu većinu i podršku Odbora.

#### ***Ad-6***

### ***Prijedlog Zakona o društvenom poduzetništvu u Federaciji Bosne i Hercegovine***

Nakon uvodnog izlaganja predstavnika Federalnog ministarstva razvoja, poduzetništva i obrta, Odbor je obavio diskusiju i jednoglasno donio sljedeći sljedeći

#### **ZAKLJUČAK**



Odbor podržava Prijedlog Zakona o društvenom poduzetništvu u Federaciji Bosne i Hercegovine i predlaže da ide u daljnju parlamentarnu proceduru.

**Ad-7**

***Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu***

Uvodno izlaganje dala je Vlatka Martinović – direktorica Federalnog zavoda zdravstvenog osiguranja i reosiguranja nakon čega je Odbor obavio diskusiju i pristupio glasanju, te jednoglasno donio sljedeći

**ZAKLJUČAK**

Odbor podržava Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu i Odluku o načinu izvršavanja rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu i predlaže da ide u daljnju parlamentarnu proceduru.

**Ad-8**

***Prijedlog Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Projekta izgradnja kulturno-sportskog centra u Mostaru***

Nakon uvodnog izlaganja predstavnika Federalnog ministarstva finansija, Odbor je obavio diskusiju i sa 7 glasova za i 1 suzdržanim glasom donio sljedeći sljedeći

**ZAKLJUČAK**

Odbor podržava Prijedlog Odluke o prihvatanju zaduženja po Okvirnom sporazumu o zajmu između Razvojne banke Vijeća Evrope (CEB) i Bosne i Hercegovine za realizaciju Projekta izgradnja kulturno-sportskog centra u Mostaru i predlaže da ide u daljnju parlamentarnu proceduru.

**Ad-9**



---

***Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju Projekta Vjetroelektrana Poklečani***

Uvodno izlaganje dao je predstavnik Federalnog ministarstva finansija nakon čega je Odbor obavio diskusiju i pristupio glasanju, te sa 3 glasa za, 1 protiv i 4 suzdržana glasa ovaj Prijedlog Odluke nije dobio potrebnu većinu Odbora da ide u daljnju parlamentarnu proceduru.

Također, Odbor traži od rukovodstva Predstavničkog doma da se ova tačka skine sa dnevnog reda 30. redovne sjednice Predstavničkog doma iz sljedećih razloga:

- Vrhovni sud Federacije BiH poništio je urbanističku saglasnost za izgradnju vjetroelektrane "Poklečani";
- Evropski ombudsman je 5. maja otvorio istragu u vezi sa odlukom Evropske investicijske banke da odobri prijedlog finansiranja projekta;
- Gradnja nosi niz potencijalno negativnih uticaja na okoliš, kulturno-historijsko nasljeđe kao i ljudska prava lokalnog stanovništva.

***Ad-10***

***Prijedlog Odluke o alokaciji obaveza po kreditu Evropske banke za obnovu i razvoj 31788 - Regionalni program razvoja cesta (Sarajevska obilaznica) na Federaciju Bosne i Hercegovine***

Uvodno izlaganje dao je predstavnik Federalnog ministarstva finansija nakon čega je Odbor obavio diskusiju i pristupio glasanju, te sa 7 glasova za i 1 suzdržanim glasom donio sljedeći

**ZAKLJUČAK**

Odbor podržava Prijedlog Odluke o alokaciji obaveza po kreditu Evropske banke za obnovu i razvoj 31788 - Regionalni program razvoja cesta (Sarajevska obilaznica) na Federaciju Bosne i Hercegovine i predlaže da ide u daljnju parlamentarnu proceduru.

***Ad-11***

***Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta poboljšanja upravljanja cestovnom imovinom u Federaciji kao dio investicionog programa za gradnju, rekonstrukciju i rehabilitaciju magistralnih cesta u Federaciji Bosne i Hercegovine***



Nakon uvodnog izlaganja predstavnika Federalnog ministarstva finansija, Odbor je obavio diskusiju i sa 6 glasova za i 2 suzdržana donio sljedeći

## ZAKLJUČAK

Odbor podržava Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta poboljšanja upravljanja cestovnom imovinom u Federaciji kao dio investicionog programa za gradnju, rekonstrukciju i rehabilitaciju magistralnih cesta u Federaciji Bosne i Hercegovine i predlaže da ide u daljnju parlamentarnu proceduru.

### **Ad-12**

***Inicijativa koju je uputio Centar civilnih inicijativa u vezi zaključka Odbora o obavezi godišnjeg razmatranja svih izvještaja o poslovanju javnih preduzeća u kojima udio u vlasništvu ima Federacija BiH***

Uvodno izlaganje dali su predstavnici Centra civilnih inicijativa i upoznali Odbor sa dostavljenom Inicijativom o obavezi godišnjeg razmatranja svih izvještaja o poslovanju javnih preduzeća u kojima udio u vlasništvu ima Federacija BiH. Odbor je ranije usvojio i predložio Zaključak koji je usvojen na sjednici Predstavničkog doma kao i na sjednici Doma naroda Parlamenta Federacije BiH ali nažalost još uvijek imamo situaciju da se Izvještaji o poslovanju javnih preduzeća u Federaciji BiH ne razmatraju redovno niti se uvrštavaju na dnevni red sjednica Parlamenta Federacije BiH, a što je zakonska obaveza.

S tim u vezi tražimo podršku Odbora da se ponovi Urgencija prema rukovodstvu Predstavničkog doma kako bi se prethodno usvojeni Zaključak Odbora implementirao u potpunosti i tražimo podršku da se pokrene procedura za usvajanje Nacrta Zakona o izmjenama i dopunama Zakona o javnim preduzećima u Federaciji BiH.

Nakon uvodnog izlaganja, Odbor je obavio diskusiju tokom koje su članovi iznijeli svoje prijedloge i sugestije, te jednoglasno donijeli sljedeće

## ZAKLJUČKE

1. Odbor će uputiti Upit prema rukovodstvu Predstavničkog doma dokle se došlo sa realizacijom ranije usvojenog Zaključka Odbora u vezi obaveznog razmatranja svih izvještaja javnih preduzeća u Federaciji BiH i kada će se početi redovno uvrštavati na sjednice Parlamenta Federacije BiH.
2. Odbor daje podršku Centru civilnih inicijativa za upućivanje u parlamentarnu proceduru Nacrta Zakona o izmjenama i dopunama Zakona o javnim preduzećima u Federaciji BiH.



**Ad-13**

***Dopis u vezi slučaja ASA FINANCE d.d. Sarajevo, koji je u parlamentarnu proceduru uputio advokat Ahmed Žilić***

Uvodno izlaganje dao je advokat Ahmed Žilić koji je veoma detaljno upoznao Odbor sa dostavljenim dopisom u vezi slučaja ASA FINANCE d.d. Sarajevo, a sve u kontekstu nezakonitog, nestatutarnog, netransparentnog, nedemokratskog rada Komisije za vrijednosne papire Federacije BiH sa travestijom prava i pravde kao i ugrožavanjem pravne sigurnosti na tržištu kapitala za investitore i građane u Federaciji BiH.

Odbor je nakon uvodnog izlaganja obavio diskusiju tokom koje su prisutni članovi Odbora iznijeli svoje prijedloge i sugestije i na kraju pristupili glasanju, te jednoglasno podržali sljedeće

**ZAKLJUČKE**

1. Odbor traži od rukovodstva Predstavničkog doma Parlamenta Federacije BiH i Komisije za vrijednosne papire Federacije BiH da dostave svoje očitovanje o ovom Zahtjevu.
2. Odbor traži da se pri Vladi Federacije BiH oformi drugostepeno tijelo koje će da raspravlja o prvostepenim odlukama Komisije za vrijednosne papire Federacije BiH kao i da raspravlja u slučaju šutnje administracije i nepoštivanja zakonskih rokova za dostavljanje odgovora, odnosno mišljenja.

Za izvjestioca Odbora na sjednici Predstavničkog doma Parlamenta Federacije BiH određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA

Admir Čavalić